

雅
州
府
志
十一

雅州府志卷之十五

藝文中

龍頭山康公祠碑記

張斐

從來爲一世之英者必享千秋之祀靖一時之難
者必傳萬古之名況乎地以人靈人與地著潮州
之祀韓文崑山之戴狄武同其事也吾蘆東北十
里有龍頭山傍爲麒麟溝又名龍麟山從龍頭山
而言之則以山之天矯也從龍麟山而言之則以
兩如龍麟聚會之意也龍也麟也分四靈之二爲

文明治世之祥康公南直徽州人諱性夫人柳氏
想爲茂材之望族乎元末爲蘆邑宰至正十三年
正月十七日明玉珍僭號公慷慨不屈後逃入龍
頭山箐我太祖龍飛之三年玉珍猶據蜀土康公
機露而亡棲神於此屢有顯應神之意其托於龍
乎其托於麟乎雖功在一隅節在邊方然一時磊
磊落落義氣襲人禮所謂以死勤事者其一班哉
百世而下瞻其廟貌詞其出處樵夫牧豎稱說於
山阿水湄之野史之策

於稗官野史之策

則潛龍現其片

麟

邊邑亦吾鄉之佳話

也予奉天子命代是西寧無一暇晷遑邇傳公之
祠成吾鄉父老囑予記故里家山遊子歸夢愧不
能爲一世之英靖一時之難徒鹿鹿於衣冠之場
走筆而書抱愧良多矣正德十年春正月撰於粵
西官署

修張侯廟碑記

竹朗齋

從來天爵與人爵不異神道與人道同揆若天工
弼亮自流芳於兩間卽一節著名亦傳奇於千古

生而爲英歿而爲靈蓋其精神凝聚與天地山川
相爲固結而不可泯者在在然矣蘆邑東北二十
里有張侯廟焉相傳侯原籍江西撫州府南宋由
進士爲御史謫守蘆邑龍門之陽有龍池與羅城
之白馬泉通歲旱禱之輒應前石山寺有待澤亭
謂歷來之邑侯祈雨而待澤於此也傍有銅鼓廟
鼓樂禱雨而奮然登山求泉蓋同鼓非銅鼓也張
侯詣泉待澤而陡亾於此邑人遂建祠祀之聞於
朝進階太保修志者遺其諱明嘉靖壬戌遷祠茲

土歷甲申兵燹而貌如故無敢有毀之者已足以
見神也但廟地高聳俯視亂石精明如縱觀咸陽
千門萬戶陰雨如雲屯甲馬八門六花張侯魄留
於斯洵有以哉今康熙壬寅邑老生宋當時糾里
內善士楊華宋榮貴重加補葺而請記之石予曰
進士侍御人爵也而今神矣則天爵也遭謫盡職
人道也而今也祠之則神道也秉忠直以事君不
遇故去聊乘下邑之車盡惠愛以宜民偶焉身亾
遂成香火之地天耶大耶神耶其爵其道豈有異

耶敬記之

潮江廟碑記

程翺鳳

癸酉之冬十一月既望余感天根見而成梁鳩工
於古渡江頭適衲子詣前索余爲重建潮江祠碑
記余應曰苟有達於辭雖俚語可傳也爰勒一二
言以誌不朽粵稽廟貌之建潮江神卽鉅靈氏出
於汾睢握大象持化權揮五丁之士驅陰陽反山
川居無恒而跡躔於蜀又云壬癸氏佐神禹治水
有功而祀之總之皆上古神也明興二百年於茲

其初規模未甚高敞也繼而風雨飄零立見頽圯
過茲境者不無邱墟之慮幸遇廉明在上政簡刑
寬時和歲稔鄉民樂吉書楊之鎬王啟樂吉詩等
乘耕耨之餘間忻忻然爲之募叩諸緣其圖浩建
或曰功大矣恐其有初鮮終也孰意兩殿甫報底
積江樓旋稱事竣後先而成之者不日哉於戲巍
然在望將控御山河美麒麟而麗鵠鵲燁然改觀
將憑依日月高象魏而遽巖廊且樓以觚稜文采
煥也盤以玉龍制度偉也豎以屏而閉以闔威儀

肅而矩度宏也列以垣而排以坊則關鎖嚴而形勢張也連雲冲漢帶水礪山高矣大矣洋洋乎再觀一盛槩矣其神靈哉其人靈哉予曷敢知惟不恤災石敬言以記之

廟溪山姜公廟碑記

竹文光

昔蜀漢自七擒而後諸葛丞相星殞五原諸番四侵幸伯約姜侯克繼其志而邊境帖服其受安撫之恩者不止蘆人爲然矣然靈關後戶倍甚故蘆人思之收塋龍尾山世稱姜城凡昔征伐屯戍之

地皆建祠留祀

靈麓之廟溪山此其一

也明末兵燹

人場過其地者寄遺想於

碎瓦頽垣之表

聖天子當陽垂拱五十六年太平天子簡拔賢良任親

民之職楊侯以浙東世宦鴈塔名儒叱馭入蘆恒

以淡泊寧靜與蘆民相終始故斯民於擊壤之餘

尙慕先代遺蹟鳩工庀材爲姜侯重建祠宇不一

月而廟貌聿新遙望金閣棲神之所夜月宛然而

侯忠義之氣或爲長虹霓霞照耀蘆邑山高水長

香火奕禩與望碑墮淚植竹立祠者千古同情也
康熙戊戌三月蓋造落成鄉人請予記以筆之石
斯時蘆邑之秉鐸者李黎二公也皆宿儒懷古佐
理者李公也卓犖多才督工演說者靈山禪僧寂
明教聰帥弟也道行特著以及闔邑鄉先生商賈
黎庶敬勒姓字於記末

建帝君祠碑記

竹郎裔

帝君光分張宿德詠周詩桂香內殿丕炳江漢之
靈濤發奎壁之府者久已在宇內矣明大蘆山祠

宇在治東北隅朔望官長焚謁未便順治乙未另
祠城東蓋舊學址也康熙丙午邑侯五一張公見
其廟宇雖具而局度未宏遷舊三官祠於右使門
屏洞開氣象聿新於戲帝乙俱安矣帝嘗曰余

舊生越嶠接黎之節笮都雅之靈關道又曰當以
黎雅爲鄉而有不忘故鄉之句味斯言也則必久
留邑下與苟沫父子同一視焉可知也若宦則榮
陞學則攀鱗農工商賈皆臻樂利則帝之錫祿與
嗣具在茲乎其在茲乎敬記之

建平襄侯牌坊碑記

羊亨

平襄侯牌坊之立既竣事邑民程琬等請太學生
思菴王子書以紀其歲月思菴固辭因以強余夫
姜侯在漢封平襄侯在唐封開明王其事功載在
史志者固不必論其間居疆宇鎮撫西南綏緝民
夷顯著茲方者不容泯也邑民感而思焉敬而祀
焉祠宇之前立
之噫民心之大良其不
能自巳者有甚

四月告成於

其用木植以百計

陶瓦無慮百千工匠之資費四十金當其事者邑
民周文秀李成陽楊應敖楊芄助之成者張金生
羅文彬王甫程祥守其祠者琥也祠在蘆邑城內
東南隅君子過是邑拜瞻是祠因足以見有功於
一方者之必獲報尤足以徵蘆民之敦義云

請建屠侯祠碑記

李必欽

屠侯諱巒雲南珥海人以孝廉來知蘆事適天全
二土司猖獗蹂躪蘆民守土兵戎竹公諱鳳奉調
隨征遼東蘆民惶惶無倚侯義勇性生文事武備

兼治擒捕廓清愛子死於難侯亦卒於官迄今數
年間縣司界定無敢搖蕩我邊宇侯之功也柰受
銓選者聞蘆多事枕卧京師者三人幸縣尉汪公
諱浩捧檄治縣事將舊大渡縣南遷附姜城廣其
堞而姜城縣署侯父子靖難盡節之所通縣父老
泣籲當路奏請以爲侯祠特旨俞允沅陵歐公適
下車謀以大方伯張公斐配享同一天挺人豪國
爾忘家相對血食洵乎無愧仲秋望之前二日爲
侯嶽降之期與平襄姜丞相盡節之日相近蘆民

弔姜丞相卽爲祝侯之會西魏封姜侯開明王舊
有綵樓四十八座壯其品之高節之堅爲姜丞相
設也卽爲屠侯設也靜智釋子廣杰出田五斗以
爲侯焚獻之需從此望廟貌而思侯之功猶想見
靈爽於斷雲落日之表在禮之以死勤事以勞定
國禦大災捍大患者祀之吾知斯祠之歷千古而
如新矣是爲記

靜智寺碑記

竹顯勲

西方有丈六人肇開西國結成淨土出其力量神

其智慧或雲路於海上或樓閣於天中或泥牛耕
於海底或身印耨於天上種種可繹吾邑靜智寺
繇坤厚續承當時俗習多澆常住頻有侵假坤之
后廣杰恢復之未幾而海天出去海天抑西方之
所指爲海天者乎實其海天遂名其海天者乎自
十二歲服消瘦衣起而大襄其事盡墾可穀之土
盡出山林之利歷七十年經營締造釐然有序素
履重於鄉評官長嘉其義士大夫稱其賢護記二
十二年其表表於當年非埋頭吃飯者雖古唐瓚